

NOVI KROVOVI

Prvi povratnici u Grbavce zatekli su značajno oštećene ili potpuno porušene kuće tako da je proces obnove težak i dug. Donacija i nije bilo mnogo, a ovoga puta necemo otvarati vruću temu o njihovoj raspodjeli, pa su mnogi Grbavčani vlastitim sredstvima finansirali poslove sanacije na svojim domovima. Znači, njihova volja za povratkom ili obnovom kuće bila je tolika da nisu žalili para da stvore sebi uslove za bolje stanovanje. Iako će neki u Bosni reći da je povratak završen, odnosno „ko se vratio vratio“, imamo primjera i u samim Grbavcima da je još mnogo zainteresovanih i za povratak i za obnovu.

Majstore smo zatekli na kući Ibre Hodzica koji su mijenjali dotrajali krov, a radi se i temeljna rekonstrukcija unutrašnjosti objekta, kako bi se sve dovelo u normalno stanje.



I u ovom slučaju nisu u pitanju nikave donacije nego se sve finansira iz džepa vlasnika. Necemo ovoga puta ulaziti u analize kome je od Ibrine djece pripala kuća, pohvalićemo ih sve, zeta ponajviše, Banjalucanina koji se prilikom prvog dolaska u naše selo zaljubio u Grbavce, uvijek rado dolazi i dobro je uključen u ovaj posao. Svaki novi krov je veliki dobitak za selo, i akobogda bice ih još puno.